

Colonna d'agid Tujetsch
1932 - 1967 - 1992

SEDRUN



Colonna d'agid Tujetsch, 1932-1967-1992, Sedrun

cronica da **Toni Berther**, Tujetsch/Cuera

En favur dils disgraziai da muntogna

Tgei patratgs han ins fatg, cu ins ha fundau l'uniun: Colonna d'agid Tujetsch? Segiramein ha il cuntinuau svilup turistic da stad ed unviern purtau adina dapli accidents e cass da spari ellas muntognas. Ins ei sedumandaus, co levgiar tals schabetgs ed ei vegnius sill'idea da fundar in'uniun per gl'agid organisau. E l'uniun ha giu numerusas acziuns d'agid dapi 1967 ed ella porta gronda responsablad ell'entira organizaziun da spindrament. E gia avon sei vegniu fatg il pusseivel.

Oz, 25 onns pli tard, mirein nus anavos sin in tschuppel eveniments e schabetgs succedi. Nus essan dil meini, ch'ei seigi impurtont da cumpletar la lectura locala cun ina cronica, la quala duei esser perdetga da tonta lavur en favur da disgraziai ella Val Tujetsch.

Nus essan cuntents d'haver anflau in cronist versau ella persuna dil convischin Toni Berther, Camischolas/Cuera. Ad el in grond e sincer Dieus paghi per sia lavur en favur da noss'uniun e dalla cultura tuatschina. Entras sia lavur bein fundada astgein nus ussa presentar als lecturs ina interessanta e varionta informaziun sur da svilup e lavur dalla: Colonna d'agid Tujetsch.

Ei s'auda d'engraziar grondamein era a tuts collegas e collaboraturs dalla Colonna d'agid. Els investeschan onn per onn bia temps e buca il davos l'atgna veta enten purtar agid a disgraziai. Els meretan engraziament e renconuschientscha e la benedicziun dil Tutpussent.

Sedrun, mars 1992

Il parsura dalla
Colonna d'agid Tujetsch

Ignazi Schmid-Hendry

1. Dau l'entschatta

Ina dallas empremas personas, ch'ei sefatschentada cun las muntognas tuatschinas, ei segiramein pader Placi a Spescha (9 da december 1752 - 14 d'uost 1833) staus. El er'insumma in bien enconuschider dallas relaziuns tuatschinas ed ha descret quellas en ina lavur pli gronda igl onn 1805: Beschreibung des Tavetschertales im Bündner Oberland. Gia igl onn 1792, pia avon 200 onns, ha el ascendiu sco εμπrem il Péz Tgietschen (Oberalpstock). Auters perscrutaders dalla Val Tujetsch ein suandai. Cun turas adina pli stedias per cuolms e vals ei er'il patratg dil spindrament en cass da disgrazia vegnius. Il temps d'unviern ein las alps tuatschinas vegnidas traversadas ed ascendidas propriamein naven da 1900. In'organisaziun el senn dalla colonna d'agid per stad ed unviern ei sedada silsuenten cun il svilup turistic en Tujetsch.

2 . Acziun d' agid 1932

tenor indicaziuns da Franzestg Berther e Toni Hitz, Rueras

D'ina bravura digl atun 1932 essan nus aunc oz bein informai sin fundament d'indicaziuns da participonts e da pliras fotografias.

Ei era la fin settember. Ils frars Sep Fidel e Giachen Lurenz Monn da Rueras mavan cun purschals vi gl'Uri, sco quei era magari usit da gliez temps. Ei era in onn ch'ils purschals havevan negin esit. Ed ei deva daried purschals. Marcadonts eran stai d'entuorn, denton buca vegni perina e detg: "Sche vus manegeis ch'ei seigi schi lev, sche mei sezs". Normalmein mavan ins sur l'Alpsu. Sep Fidel e Giachen Lurenz van cun lur buordis dalla Val Milar en e vegnan susteni el purtar dils frars Pius e Crisost Monn entochen sin la "Mittelplatte".

Tuts quater enconuschevan bein la Val Milar e la part sura digl "Etzli", che sbucca ella Val Maderana. Ils dus davos menziunai vevan la cunzina d'ir per ragischs d'ensauna e da returnar la sera a casa. Pius e Crisost han era il basegn d'ir vinavon e van giu tier la "Etzlihütte" e vinavon dalla Val Maderana giu entochen ella vischiononza da Bristen a Frentschenberg ed il motiv: Saver encurir e magliar leu péra detgavunda.

Ils marcadonts da purschals Sep Fidel e Giachen Lurenz ein returnai a casa l'auter di, sco stau fatg giu. Buca da retuorn eran denton Pius e Crisost.

Quei ei stau ina sorpresa ch'ha fatg tema. L'absenza dils dus ha fatg la curella tras il vitg. E gia quella sera denter las 4 e las 5 ein plirs semess sin via dalla Val Milar en. Els arrivan sin la "Mittelplatte" ch'ei vegn stgir, ed anflan sut in crap en il sacados cun la marena e las zappas speras. Els ston returnar a casa senza haver anflau ils tschercai.

La sera vegn ei fatg cusseida en stiva tier il vegl fravi Giachen Lurenz Caduff-Giossi, che fuva in aug dils pertuccai ed ei vegn formau ina colonna d'agid, ch'ha previu da partir da casa la damaun marvegl dallas quater. La colonna exista ord las suandontas personas: Dr. Christian Huonder, Disentis/ Mustér, Christian Berther-Rhyner, Sedrun, Gion Battesta Giger, Selva, e Gustav Walty, cau dalla scola da skis, Sedrun, ed ils auters da Rueras alfabeticamein: Franzestg Berther, Victor Berther, Leci Brugger, Battesta Caduff, Stiafen Caduff, Christian Cavegn, Giachen Fidel Cavegn, Sep Antoni Giossi, Alfons Hitz, Toni Hitz, Gion Antoni Monn e Sep Martin Monn. Franzestg Berther, Christian Cavegn e Sep Martin Monn van dalla Val Strem en e sur il "Krüzlipass". Ils auters dalla Val Milar en sin la "Mittelplatte", nua che zaconts ein stá anavos ed han encuretg leu el contuorn ils dispari. Ils auters ein da leu i giu ella "Etzlihütte". Els arrivan en tegia senza haver success ed era quels dil "Krüzlipass" vegnan leu sco secunvegni. Giachen Fidel Cavegn haveva lu fatg fiug en furnascha e fatg ina hazra fugascha, aschia ch'il survegilader dalla tegia (papa Epp), vegnius si da Bristen, hagi fatg ina sevilada da duvrar sin quella moda lenna. E la lenna seigi da pagar. Quei ch'ei era stau il cass.

Pigl auter eis ei vegniu fatg in plan. Ils alpinists Franzestg Berther, Gion Battesta Giger e Toni Hitz ascendan il "Mutsch", e quei dalla vart dretga si (Spillau). Naven dil "Mutsch" anora havevan els buna vesta digl "Etzlital" enasi ed oragiu. Ferton che Gion Battesta fa café miran ils auters cul spiegel. E veramein engartan els in tschancun oragiusut la tegia digl "Etzli" dus a vegnend neuasi ord la crappa grossa e fan da saver quei al Gion Battesta. Lez, che veva fatg il plan, veva tarmess negin dalla Val Maderana oragiu. El pren il spiegel e cloma levgiaus: "Quei ei il Pius, quei ein quels dus". Els fan lu spert da comunicar la scopert'als auters dalla colonna d'agid.


Da vegnir giu dil "Mutsch" han els fatg atras ina curontina, pir che d'ir ensi. Ei era atun e per part schelau ed ina bischa sissu. Ils dus catschadurs mavan

sco stuorns ed il Franzestg clamava ad in clamar "vus meis empaglia" e temeua la pial pleina. Ei era d'ir d'in tgamin giuaden ed ins veseva buc il schelau. Aschia descendeva il catschadur Toni ordavon, encurrend tegns segirs era per il samaritan Franzestg ella miez, per il qual il cava-cristallas Gion Battesta veva medemamein quitau. Cun segidar viceversa ein els serabitschai saunamein entochen silla "Mittelplatte" ed ils auters era.

Il Pius ed il Crisost eran veramein stai a magliar péra e sin la tur'anavos vegni entochen en la Siara (Tritt?) dalla Val Maderana, nua ch'ei haveva ina casa habitada el schurmetg dil grep. Gest davos quella sut il grep en ein els stai sut tetg ed han passentau leu la notg e buc ughegiu da dumandar ils cussedents da maner en tegia. Silla "Mittelplatte" ein tuts stai cuntents che l'acziun er'id'or en bein .



Fotos digl enconuschent fotograf, Gustav Walty, ch'illustraschan la bravura. Davon da seniester: Gion Battesta Giger, Christian Berther-Rhyner, dr. Christian Huonder, Gion Crisost Monn. Enamiez da seniester: Pius Monn, Alfons Hitz, Battesta Caduff, Giachen Fidel Cavegn, Sep Martin Monn, Christian Cavegn, Franzestg Berther, Stiafen Caduff. Davos da seniester: Leci Brugger, Gion Antoni Monn, Toni Hitz, Victor Berther, Sep Antoni Giossi



Ils dispari da seniester: Pius Monn, Crisost Monn
e davostier ("Oberalpstock") Péz Tgietschen

3. Entochen 1967

tenor indicaziuns da Felici Monn, Sedrun

Christian Berther-Rhyner era gia dapi 1925 commember dalla Secziun Péz Terri dil Club alpin svizzer (SAC). Il Club alpin svizzer ha mess a disposiziun ina scaffa cun il pli necessari material per cass d'accidents. Christian era pladius d'arranschar las accziuns (aschia era quella da 1932). 1928 ei era Gion Battista Giger entraus ella Secziun Péz Terri. El era guid da muntogna ed er'obligaus da segidar tier il salvament en cass da basegns.


Felici Monn seregord'aunc d'accidents da lezzas uras, aschia era dil giuven Bernasconi, ch'era daus en ina sfendaglia sil Borel. Il student Bernasconi ei vegnius spiritual ed ei staus biars onns plevon a Sogn Murezi. Suentier siu spindrament ord la sfendaglia dil Borel ha el schau renovar la càplutta da s. Clau a Tschamut. E mintg'onn la stad ha el adina legiu ina sontga messa a Tschamut. El era in feagl dil capo-inschignier Bernasconi dalla RhB.

Entuorn ils anno 40 ha Alfred Decurtins surpiu la colonna d'agid. El era guid da muntogna ed era daventaus commember dalla Secziun Péz Terri. Felici Monn era per el in bien sustegn. Cun 1949 ha Alfred Decurtins surdau a Felici Monn la scharscha da schef dalla colonna d'agid, ch'ei allura daventaus commember dalla Secziun Péz Terri dil Club alpin svizzer 1951. Quei onn ha el medemamein surpriu il menaschi dalla camona da Maighels dalla Secziun Péz Terri e quei entochen 1966. La colonna d'agid ha Felici Monn tgamunau entochen 1967, pia 19 onns. Ins era da quei temps aunc buca obligaus da menar rapports sur dallas accziuns, l'annunzia alla segirada dil Club alpin svizzer tunscheva. Il material avon maun era: 2 cozzas da launa, 2 schinas per la bratscha, 2 schinas per las combas, 4 faschas, in'apoteca per il miedi, ina suga da 20 meters (15 mm grossa), 2 barellas, 4 canials corda da lavinas 15 m liungas, 4 sondas, ina sliusa (canadier). Sco survigilader dil material dalla colonna d'agid per ils onns 1940-1962 ha Vigeli Monn da Sedrun funcziunau. El seigi segidaus pliras gadas tier accziuns d'agid.

El temps denter 1940-1967 ein differentes cass da disgrazia aunc en buna memoria a Felici Monn, cheu entgins exempels:



Gruppas da spindraders



Il 23 da december 1948 encuretg in um, ch'er'ius da Strem en e sur il "Krüzlipass", e quei senza skis. La sera dallas 11 h anflau el en la "Etzlihütte". Cun Felici Monn eran aunc Alfred Decurtins e Baseli Schmid. Returnai cun el sur la "Mittelplatte".

Gl'emprem d'uost 1949 er'in giuven ius da Sedrun en direcziun "Krüzlipass" e staus sparius. El haveva num Willi ed era da Solothurn. Encuretg duront 8 dis entochen giu a Bristen. Anflau il disgraziau per 24 dis suenter il schabetg ella vischinonza dil "Krüzlipass". El era ruclus.

Il 14 d uost 1950 anflau scolast Giusep Beer (1927) morts sil Tgom sut il trutg, che meina a Pardatsch da stiarls. El era staus per izuns e buca returnaus a casa. El era morts dalla daguota dil tschurvi e ruclus. El ei vegnius purtaus morts a casa tier ils ses a Gonda.

Il schaner 1951 ha ei dau ina nevada stermentusa e las lavinas ellas Alps han satrau biaras personas e purtau grev cordoli, in' unfrenda ei stada da deplorar a Selva. Il 20 da schaner han ins anflau Gion Giusep Giossi, scolast a Selva, sut ina casa devastada. Da quei temps, il 21 da schaner 1951, sei insumma stau d'evacuar ils habitonts da Selva e Tschamut. Era la colonna d'agid da Mustér ei segidada. Ina gronda e stunclenteivla acziun en temps prigulus. Vegni cun sauns e malsaus vi dalla vart da Nual e lu vi sontga Brida e da leu naven per via. Anavos ein mo paucs perveseders restai. Il auters ein vegni reparti tier parents ed enconuschents. L'acziun ei vegnida lugada en ruasseivladad e senza incaps. Il cuosts dalla colonna d'agid ein vegni, cumpriu tut, sin frs. 782.–.

Il 20 d'uost 1962 ei ina colonia da 30 personas serendida sin il Péz Tgietschen (Oberalpstock). 3 mattatschas ein curdadas ca. 130 m sut il spitg en ina sfendaglia dil glatscher "Brunni" e mortas. La disgrazia ei schabegiada tier la descensiun. Ina bara er'ella profunditad da 43 m dalla sfendaglia. Il transport ei vegnius fatgs per helicopter.

Il 21 da mars 1967 ein 5 luvriers talians vegni per la veta sin l'Alpsu (Muschaneras). Ina lavina ha devastau la baracca e satrau ils cussedents. Els ein vegni transportai per helicopter tochen a Sedrun, nua ch'els ein vegni mess en bara per il transport en l'Italia.

Ella pressa (Bündner Tagblatt) san ins leger denter auter:

"Ministerpräsident Moro kondolieret. Der italienische Ministerpräsident Aldo Moro beauftragte den italienischen Botschafter in der Schweiz, den vom Lawinenunglück vom Oberalp betroffenen Familien der italienischen Arbeiter sein Beileid auszudrücken. Moro sandte gleichzeitig den verletzten Arbeitern seine besten Wünsche zur Genesung und versicherte sie jeder nötigen Hilfe."



Lavina da
Muschaneras



Baracca devastada

Per biars e buns survetschs da Felici Monn sco schef dalla Colonna d'agid Tujetsch ein ins staus engrazieivels. Aschia scriva Pius Condrau ils 13 da november 1967 denter auter: "Jeu hai retschiert Tia abdicaziun sco schef della Colonna d'agid da Sedrun e suttamess quella alla suprastonza della Secziun Péz Terri, alla quala jeu hai engraziau publicamein per Tes survetschs prestai, jeu less engraziar a Ti aunc inaga a scret, en num era digl SAC e lu personalmein per Tia collaboraziun, per ils survetschs prestai en favur dil disgraziad da muntogna. Nuotatonmeins sperein nus bugen, che Ti stetties, sch'ei fa basegns, era egl avegnir a disposiziun."


La pli grond'acziun, che Felici Monn alleghescha, ei quella dil 21-23 d'avrel 1965 dalla "Etzlihütte". Otg battasendas da Horgen ed Oberrieden eran buca returnai a casa sco previu. Malaura cun nevadas e suffels e grond prighel da lavinias han inquietau ils geniturs, ch'han alarmau la polizia. La polizia digl Uri s'interessescha a Sedrun, sch'ins sappi enzatgei dil spari. L'annunzia vegn dada vinavon al cau dalla colonna, Pius Condrau, Disentis/Mustér, e l'entira acziun ha liug da Sedrun anora, aschia vegn la colonna d'agid messa ensemen a Sedrun, la basa dil helicopter ei Sedrun ect. Gl'entir proceder sedat ord il protocol polizial d'acziun (7 paginas). Ed il cass sco tal han ils battasendas nudau en in diari, cumpariu il december 1965 en la scartira "Allzeit bereit". Quei cass ha era promoviu l'idea da fundar in'atgna "Staziun" da salvament en Tu jetsch. Pigl auter vegn renviu allas fotos:



Preparativas dils responsabels: Policist Cavegn, Pius Condrau, Felici Monn e policist Ernst Jenny.



Avon la "Ezlihütte", Policist Cavegn, Ignazi Schmid, Pius Condrau, Felici Monn, Valentin Levy, Paul Berther



Il helicopter ed aspectaturs sut la staziun a Sedrun



Die gemeinsam durchlebten Stunden, Tage und Nächte zwischen Bangen und Hoffen werden verblassen, — unvergesslich bleiben wird der tiefe Eindruck des selbstlosen Helferwillens, des Mitempfindens und Mittragens der gesamten Bevölkerung.

Für Ihren persönlichen Einsatz danken wir Eltern und Pfadfinder von Horgen und Oberrieden von ganzem Herzen.

John E. Ketter
 M. Boller
 J. Huber
 R. Boller
 E. Dickliker
 K. Ketter
 M. Huber
 F. Ernst
 Emma Huber
 T. Jäger
 E. Jäger
 Ostern 1965

Rettenaktion, Ertzlihuette



H. Huber
 G. Dickliker
 R. Huber
 M. Boller
 H. Jäger
 R. Jäger
 R. Jäger

4. La fundaziun "Colonna d' agid Tujetsch", Sedrun 1967

Il cass d'in salvament sut grevas circumstanziass sco quel dalla "Etzlihütte" ed il svilup turistic da stad ed unviern, che gioga ina rolla adina pli impurtanta en Tujetsch, han intimau ils responsabels da fundar ina atgna uniun da salvament en vischnaunca. Quei ei succediu ils **27 da november 1967**.

Entochen dacheu haveva Felici Monn, Sedrun, funcziunau duront biars onns cun gronda capientscha sco cau (parsura, schef, Obmann) da salvament per Tujetsch en la Secziun Surselva, denton suttasteva Tujetsch alla "Staziun" da Disentis/Mustér, che cumpigliava la Cadi. Tenor pareri da Pius Condrau, Disentis/Mustér, cau d'agid regional Surselva, ei la fundaziun d'ina atgna "Staziun" stada necessaria muort il rapid svilup turistic en Tujetsch. A caschun dalla fundaziun ha el era dau in detagliau sclariment davart intent ed obligaziuns d'ina colonna d' agid .

Tenor art. 1 dallas statutas ei la Colonna d'agid Tujetsch, Sedrun, sutposta alla Secziun Péz Terri ed al Club alpin svizzer (SAC). Intent dalla colonna ei (tenor art. 2) da purtar agid a disgraziai en las muntognas. Igl agid a personas jastras ed enconuschentas vegn purtaus sin giavisch da parents, amitgs ni anfladers da disgraziai.

Tier l'emprema radunonza han ils presents elegiu:


president e cau dalla colonna
actuar Berther Flurin, Rueras
cau dil material Albin Giusep, Sedrun

Schmid Ignazi, Sedrun

E sco revisurs vegnan elegi:
Deflorin Leci, Camischolas
Hendry Vigeli (39), Camischolas

ed ils auters commembers ein 1968:

Deflorin Tumaisch, Zarcuns
Jacomet Hans, Sedrun
Berther Baseli, Rueras
Hendry Sep Antoni, Surrein
Groth Karl, Sedrun
Berther Ignazi, Camischolas
Berther Conrad, Camischolas
Giossi Vigeli, Rueras



Giossi Rudolf, Rueras
Bearth Gion, Sedrun
Monn Toni, Sedrun
Hitz Edgar, Camischolas
Berther Sep Lurenz, Rueras
Beer Tumaisch, Rueras
Cavegn G. Carli, Rueras
Berther Stiafen, Camischolas
Monn Gion Giachen, Rueras
Berther Giachen Antoni, Rueras
Deflorin Giachen, Zarcuns
Deflorin Benedetg, Camischolas
Berther Emanuel, Sedrun
Soliva Battesta, Sedrun
Berther Barclamiu, Sedrun
Cavegn Carli, Sedrun (cun tgaun da lavinas)
Cavegn Guerino, Sedrun
Decurtins Silvio, Sedrun
Cavegn Gerold, Sedrun
Demund Alfons, Sedrun
Decurtins Hans, Sedrun
Venzin Theo, Rueras
Sager Toni, Sedrun
Berther Karl, Sedrun

5. Singuls fatgs ord il svilup dalla Colonna d'agid

Ei va buca per retener tut il curriu e passau dils davos 25 onns, mobein per nudar entgins fatgs, che pon mussar igl andament dalla "Colonna d'agid Tujetsch". Da remarcar sei all'entschatta gia cun letras grossas, ch'il cau dalla colonna, Schmid Ignazi, il cusseglader dalla Secziun Péz Terri, Condrau Pius, ed ils davos onns dr. Eugen Deflorin, Breil, ed ils schefs dil material han da neu enneu purtau responsablada supplementara per l'uniun. Quei che pertucca elecziuns e midadas tier scharschai vegn notificau successivamein, aschia ch'ei dat ina cuntinuaziun nuninterruta entochen oz.

Pigl auter san ins gia menziunar cheu las tractandas statutaricas dalla radunonza generala, che serepetan onn per onn:

Protocol

Rapport dil president

Rapport dil cau dalla colonna

Rendaquen

Program da lavur

Rapport dil cau dil material

Elecciuns

5.1 Acquist da material e quen da 1971/72

Ilis emprems onns ha la giuvn'uniun giu da sbatter per vegnir tier il material necessari. Gia ils 11 da december 1967 sedrezzan ils funciunaris responsabels alla vischnaunca da Tujetsch ed allas societads, ch'han da far cun il turissem da stad ed unviern, per agid finanziel. Igl importo per il pli necessari material vegn schazegiaus sin frs. 3'000.–. Tenor il protocol dalla emprema radunonza dils 29 da mars 1968 sei vegniu cumprau material per rodund frs. 2'000.–. Per segidar han ins mess si ina taxa annuala per ils commembers e quella vegn fixada sin frs. 5.–. Il schef dil material manegia che mintga commember duessi sez aunc vegnir cun empau. Ins stoppi plinavon patertgar vid ina barella, vid apparats da func ed autras caussas. Ei seigi da ver quitau dil material ton tier exercezis sco er'en cass serius.

Dalla vischnaunca quintava la "Colonna d'agid Tujetsch" da survegnir frs. 2'000.–. La suprastonza ei denton stada reservada ed ha l'entschatta concediu frs. 800.–, suenter ch'il cau dalla colonna veva dau en ina gliesta cun ils bategls giavischai. Vitier ha la suprastonza dau pli tard 2 m³ lenna sin resgia, sinaquei che la colonna sappi far crunas per deponer il material acquistau. Ilis objects ein vegni deponi in temps en ina remisa da Vigeli Monn-Schmid davos sia casa a Sedrun. Dapi 1971 secatta il magazin dalla Colonna d'agid en in local dalla casa da scola a Sedrun.

En in'istanza dils 25 d'avrel 1968 ei il president e cau dalla colonna seviults agl SAC, Secziun Péz Terri, per ina contribuziun commensurada vid ilis cuosts dil material cumprau. Aschia ei l'uniun vegnid'in tec per ga tier il material necessari per puder luvrar cun success tier exercezis ed en cass serius. Mintg'onn han ins giu giavischs per cumpletar igl arsenal da material e quei ei vinavon aschia.

Gia el decuors digl onn da quen 1971/72 ei la Colonna d'agid puspei vegnida sustenida finanziamein da:

Vischllaunca Tujetsch	cun	frs. 500.–
Societad dils runals	cun	frs. 500.–
Uniun da cura e traffic	cun	frs. 350.–
Scola da skis	cun	frs. 350.–

Il quen presentaus alla radunonza dils 20 da zercladur 1972 dat perquei in bien resultat:

Entradas	frs. 3 182.45
Expensas	frs. 2 313.40
Facultad en daners	frs. 1 687.05

Albin Giusep, cau dil material, sa allegar en siu rapport che la valeta dil material avon maun munti a circa frs. 5 000.–

5.2 Midada d'artechels dallas statutas

Alla radunonza dils 24 da matg 1974 ein ils artechels 13 e 14 dallas statutas, che pertuccan elecziuns ed obligaziuns dils funcziunaris, vegni midai. Gl'essenzial ei ch'ins sparta la scharscha da president dal post dil cau dalla colonna. Las elecziuns vegnan fatgas per dus onns.

La suprastonza secumpona ord:

- 1) president Cavegn Gerold
- 2) cau dalla colonna Schmid Ignazi
- 3) actuar (dapi 26-6-1972) Berther Conrad
- 4) cassier Giossi Rudolf
- 5) schef dil material Berther Paul
- 6) revisurs da quen: Deflorin Leci e Hendry Vigeli (39)

Tenor art. 14 ein las obligaziuns dalla suprastonza:

- 1) Il president meina las radunonzas, organisescha las instrucziuns e diregia la colonna d'agid.
- 2) Il parsura (cau) alarmescha e diregia tuts cass serius e meina la correspondenza sur da tals (Unfallberichte).
- 3) Igl actuar ei vicepresidente e meina ils protocols dallas radunonzas.
- 4) Il cassier meina la cassa dalla colonna d'agid.
- 5) Il schef dil material ei responsabels ch'il material vegni daus ora mo encunter quittance e vegni returnaus immediat suenter in'acziun ni instrucziun. Plinavon eis el responsabels ch'il material seigi adina prompts ed en bien uorden.

5.3 Emprem cuors da salvament

D'interess ein ils cuors arranschai e las acziuns el seracass. Il program digl emprem cuors da salvament se presenta:

Cuors da salvament (Rettungskurs)

- Datum: Dumengia ils 7. 7. 68. En cass da malaura ils 14. 7. 68 (sclariment tel. 7 72 33 ni 7 73 85)
- Liug: Val Strem, Bauns
- Rinnada: Casa da scola (Aula) allas 06.00 h
- Material: Mintgin ei supplicaus da prender material privat tenor pusseivel sco: sugas, carabiners, cugins, etc. Quei material che maunca vegn prius da nies magazin.
- Segirada: Tals che han buca segirada d'acziidents, dein nus caschun da far ina segirada per quei di la dumengia endamaun avon partenza. Suenter surpren la colonna d'agid negina responsabladad pli.
- Proviand: Mintgin pren marena, da miezdi vegn fatg ina pausa.
- Fin dal cuors: ca. allas 14.30 h. Anavos a Sedrun ca. allas 16.00 h.
- Survetsch divin: La sera allas 20.00 h a Sedrun.

Mintga commember ei cordialmein envidaus.

Per la colonna d'agid
Sedrun Tujetsch

Ignazi Schmid

5. 4 Contact cun autras organisaziuns

La colonna d'agid ei dall'entschatta enneu sespruada d'haver bien contact cun autras organisaziuns. Aschia secloma igl art. 16 dallas statutas: La colonna d'agid mantegn stregn contact cun la "Secziun Péz Terri", cun la "Rettungsflugwacht" e la "Schweiz. Lebensrettungsgesellschaft", cun la "Funkhilfegruppe Oberland" e cun "I Uniun da skis Tujetsch".

Aschia sevolv'ella era gia la primavera 1969 alla "Ovra electrica Reinanteriur SA" cun la supplica d'astgar duvrar lur apparats da func. Ed igl ei vegniu lubiu da duvrar ils funcs staziunai a Sedrun e quei gratuitamein per exerchezis e cass serius.

Ina stretga collaboraziun ei era sedada cun "I Uniun samaritana" sco per exempel: Venderdis sera ils 17-6-1974 havein exercezi samaritan cun la Colonna d'agid a Rueras. Serimnar sin il plaz cadruvi suenter messa ca. allas 20.15 uras.

Il matg 1974 sevolva il cau dalla Colonna d'agid Surselva SAC allas Staziuns d'agid: Disentis/Mustér, Tujetsch/Sedrun, Flem, Glion, Sursaissa e Stussavgia sco era als loghens d'annunzia Medel, Trun, Sumvitg, Breil e Lumnezia. En quei scriver engrazia Pius Condrau en num dalla Secziun Péz Terri e digl entir SAC per igl engaschi e la promptadad da purtar agid a concarstgauns curdai en prighel.

Muort il svilup dil turissem en Surselva seigi er'il sistem d'agid ella muntogna suttaposts a midadas, ton quei ch'appartegni la tecnica, il material sco era la scolaziun, ch'hagi fatg buns progress ils davos onns. Vitier vegni gl'agid intensiv cun il helicopter.

A caschun dalla radunonza dils 4 da matg 1974 hagian ils schefs d'agid dallas secziuns SAC dil Grischun reponderau la situaziun dil survetsch d'agid alpin. Ed ins hagi sin fundament dallas constatziuns fatgas decidiu d'organisar en tuttas "Staziuns" in survetsch da pichet duront las sesiuns. Ed el presenta l'organisaziun dil pichet da Disentis/Mustér.

La Colonna d'agid Tujetsch, Sedrun ha agiu immediat sin quei clom da collaboraziun e giu per la stad 1974 gia la suandonta organisaziun:

RETTUNGSSTATION SEDRUN

ALARMORGANISATION

OFFIZIELLE MELDESTELLE

KANZLEI SEDRUN TEL. 086 / 9 12 27

Rettungschef:

Tel.

Schmid Ignazi P 086/9 12 33

Sedrun G 086/9 13 44

Vizeobmann:

Cavegn Gerold P 086/9 14 28

G 086/9 12 60

Materialchef:

Berther Paul Rueras

Tel. P 086/9 12 04

G 086/9 12 51

Stellvertreter:

Glossi Rudolf Rueras

Tel. P 086/9 13 57

G 086/9 12 45

Stellvertreter:

Berther Conrad Rueras

Tel. 086/9 12 09

086/9 12 51

Im **M**otfall kann jede auf diesem Blatt angegebene Telefonnummer angerufen werden. Bei Unfallmeldungen sind folgende Angaben wichtig:

WAS IST WANN GESCHEHEN, genaue Ortsbezeichnung evtl. Koordinaten auf der Landeskarte der Schweiz (1 : 50 000). Wieviele Personen sind vom Unfall betroffen (evtl. Verletzungsart).

Wird ein Bergunglück nur vermutet, so ist unverzüglich der Rettungschef zu informieren, der dann die weiteren Schritte unternehmen wird.

Um unnütze Rettungsaktionen und damit verbundene Kosten zu vermeiden, werden alle Touristen in ihrem eigenen Interesse gebeten, das Ziel ihrer Berg- oder Skitour und die Zeit Ihrer voraussichtlichen Rückkehr vorher an Ihrem Feriendomizil anzugeben.

Es muss im weiteren darauf hingewiesen werden, dass gegen Unfall die Rettungskosten eine beträchtliche Höhe erreichen können, da die Rettungsmannschaften entlohnt und für jede einzelne Aktion versichert werden müssen.




Ella radunonza generala dils 19 da zercladur 1976 sa il cau dalla colonna ed il schef dil material dir ch'els hagian giu contact cun il CC (comité central) e survegniu uonn per l'emprema ga material da quel, numnadamein: 3 cazzolas a maun, 2 schirellas per sevolver (Umlenkrollen), 5 sughets per seligiar en (Reppschnüre), 2 sugas da 30 m per ir sin la pezza, ina stgeina per fixar gl'entir tgierp (Ganzkörperschiene) ed in sez-Grominger.

5.6 Gliesta dils commembers activs 1977

Ella radunonza dils 19 da zercladur 1976 han ins fatg giu d'haver commembers activs e passivs. Ils passivs pagan frs. 8.– ed ils activs frs. 5.– e far dus cuors

Schmid Ignazi, Sedrun, parsura
Cavegn Gerold, Sedrun, president
Schmid Franz, Sedrun, aq̄tuar
Giossi Rudolf, Rueras, cassier
Monn G. Giachen, Rueras, cau dil material

Berther Paul, Rueras
Berther Conrad, Rueras
Hendry Vigeli, Camischolas
Giossi Alexi, Rueras
Venzin Dosi, Rueras
Bearth Gion, Sedrun
Caduff Benedetg, Sedrun
Giossi Teofrid, Rueras
Decurtins Hans, Sedrun
Decurtins Silvio, Sedrun
Cavegn Gion, Sedrun
Monn Claudi, Sedrun
Cavegn Gino, Sedrun
Hendry Sep, Rueras
Caduff Ignazi, Rueras
Caduff Marcel, Rueras
Cavegn Rudolf, Sedrun
Deflorin Leci, Camischolas
Valier Tumaisch, Camischolas



Cavegn Gerold, president

Valier Stiafen, Camischolas
Berther Tumaisch, Camischolas
Deragisch Daniel, Sedrun
Berther Barclamiu, Sedrun
Monn Benedetg, Sedrun
Beer Tumaisch, Rueras
Giossi Vigeli, Rueras
Schmid Alfred, Sedrun
Huonder Giusep, Rueras
Hitz Edgar, Camischolas
Cavegn G. Carli, Sedrun
Soliva Testa, Sedrun
Monn Giusep, Rueras
Berther S. Lurenz, Rueras
Deflorin Giachen, Zarcuns
Deflorin Benedetg, Camischolas
Berther Baseli, Binningen
Sager Toni, Gossau

5.7 Stab da crisa

Ella radunonza dils 26 da zercladur 1978 vegn la taxa per commembers activs alzada sin frs. 8.– e per passivs vegn ella reducida sin frs. 5.–.

Las elecziuns:

president	Bearth Gion, Sedrun
cau (parsura)	Schmid Ignazi, Dieni
actuar (dapi 19-6-1976)	Schmid Franz, Gonda
cassier	Caduff Ignazi, Rueras
cau material (dapi 19-6-1976)	Monn Gion Giachen, Rueras
revisurs	Decurtins Hans, Sedrun Caduff Benedetg, Sedrun

La neiv gronda digl avrel 1975, nua che la vischnaunca ha giu formau in stab da crisa, ha schau madirar il patratg d'organisar in stab da crisa stabel, essend ina coordinaziun denter las differentas organisaziuns fetg impurtonta. Igl εμπrem organigram se presenta sco suonda:



ORGANIGRAMM
des Lawinendienstes der Gemeinde Tujetsch

GEMEINDEVORSTAND

Vigeli Berther Camischolas 9 11 50
Tumaisch Monn Sedrun 9 15 83

— Lawinendienstkommission

AUSSCHUSS LAW. KOMMISSION

Ignazi Schmid-Hendry Dieni 9 12 25	Emanuel Berther Sedrun 9 13 70
Vigeli Berther Camischolas 9 11 50	Tumaisch Beer Rueras 9 13 54
Flurin Berther Rueras 9 13 85	

Leiter des Lawinen - Dienstes

Ignazi Schmid Dieni 9 12 25 / 9 12 23

ADMINISTRATION

Edgar Hitz Camischolas 9 13 67
Gemeindekanzlei Tujetsch 9 12 27

BEOBSACHTUNGSDIENST

Förster
Tumaisch Beer Rueras 9 13 54

ABSCHUSSDIENST

Skilifte AG Sedrun-Rueras 9 15 15
9 13 16
9 11 74

ALARMDIENST

Ignazi Schmid-Hendry Dieni 9 12 25
Gion Bearth Sedrun 9 15 61
Gemeindekanzlei Tujetsch 9 12 27

EVAKUATIONSDIENST

Feuerwehr
Emanuel Berther Sedrun 9 13 70
Gion Aluis Hendry Bugnei 9 14 26

ABSPERRDIENST

Gemeindepolizei Tujetsch 9 12 27
Robert Berther Sedrun 9 15 24
Alfons Jacomet Sedrun 9 16 25

RETTUNGSDIENST SAC

Ignazi Schmid-Hendry Dieni 9 12 25
Gion Bearth Sedrun 9 15 61

MATERIALDIENST SAC

G.Giachen Monn Rueras 9 14 48
Ignazi Caduff Rueras 9 14 47

SANITAETSDIENST

Dr. Med. W. Scherrer Sedrun 9 16 16
Samariterverein
Alfons Demund Camischolas 9 13 41
Rudolf Cavegn Sedrun 9 11 21

VERBINDUNGSDIENST

Vigeli Hendry-Levy Camischolas 9 13 47
Benedetg Caduff Sedrun 9 15 68

VERSORGUNGSDIENST

Zivilschutz
Flurin Berther Rueras 9 13 85
Testa Soliva Sedrun 9 15 04

INFORMATIONSDIENST

Gemeinde / Leiter / W 9 12 27
Vigeli Berther Camischolas 9 11 50
Ignazi Schmid-Hendry Dieni 9 12 25
Gion Bearth Sedrun 9 15 61

5. 8 Program da lavur 1981/82

(tenor il protocol dalla radunonza dils 5. 6. 1981)

Instrucziun da far nuvs,

Improvisar ina liberaziun,

Cuors samaritan,

Cuors en il grep a Maighels,

Tura sil Péz Nair,

Cuors cun Barryfox,

Cuors a Morteratsch,

Cuors a Maighels ed il december cuors da lavinas en Surselva.


Ed ella radunonza generala dils 12 da zercladur 1982 vegn menziunau: La participaziun als cuors organisai ei stada buna. Igl interess dils commembers ei gronds. Il cuors arranschaus dalla grupp da Disentis/Mustér enta Maighels ei era staus aviarts per interessents tuatschins. Tier il cuors da spindrament enta Maighels, ils 30 d'uost 1981, ein era las dunnas dil club da troccas stadas envidadas e quei sco engraziament per il sustegn finanziel. Il club da troccas veva fatg avon entgin temps ina concurrenza e dau la mesadad dil recav alla Colonna d'agid Tujetsch, numnadamein frs. 1370.-.




Bearth Gion, president
Schmid Ignazi, cau



Exercezi a Milez





Bass Quirin ha fatg igl'emprem rang sin il campiunadi svizzer, en la specia da tgauns da sanidad. Quei ei stau 1986.




Dr. h. c. Fritz Bühler a Kloten, President dalla "schweizerischen Rettungsflugwacht (SRFW)"..

Bass Guerin ei segidaus cun siu tgaun da lavinas duront gl'onn ora. Ed era Emanuel Berther ei staus gl'entir onn a disposiziun cun igl auto da sanidad.

Il cau dalla colonna, Ignazi Schmid, menziunescha la lavina dalla Val Milar dils 18/19 da december 1981, ch'ei vegnida entochen giu sut la via cantunala dadens Rueras. En gl'entir onn hagi l'uniun giu d'agir en 11 cass. Il schef dil material admonescha d'haver meglier quitau dil material e da tuttavia returnar quel duvraus per acziuns.

Tenor il protocol dils 17 da zercladur 1983 han ins stuiu clamar egl onn passau 12 gadas il helicopter. Ei vegn intimau da luvrar stretgamein ensemen cun ils representants dils runals pertuccont ils funcs. Ei vegn decidiu da surprender il stan da flobert tier il tir dils catschadurs per far empau cassa. Il stan da sittar ha purtau la biala summa da frs. 2'273.-



Exercezi en vesta alla fontauna dil Rein, 1981



Sentupada da
famiglia en Val Giuf



Elecciuns dils 31 da matg 1986:

president

cau dalla colonna

actuar

cassier *malsogna

cau dil material

*cassiera enstagl

revisurs

Schmid Ignazi, Dieni

Demund Alfons, Camischolas

Cavegn Rudolf, Sedrun


Caduff Ignazi, Rueras

Decurtins Judith, Sedrun

Monn Rusina, Sedrun,

Berther Carli, Sedrun

Decurtins Hans, Sedrun



5. 9 Quen, 20 onns suenter la fundaziun:

Entradas	frs. 10'410.55
Expensas	frs. 10'070.20
	frs. 340.35
	=====

<u>Facultat per 4.5.1988</u>	Cassa	frs. 331.10
	Check postal	frs. 9.25
	Subtotal	frs. 340.35
	Carnet da spargn	frs. 8'041.—
		frs. 8'381.35
		=====
<u>Cumperegliaziun da facultat</u>	8.5.1987	frs. 4'872.65
	4.5.1988	frs. 8'381.35
	fatg anavon	frs. 3'508.70
		=====

Commentar tier las entradas ed expensas

Incassau commembers 86-87, rest.....	frs. 542.—	
Incassau commembers 87-88.....	frs. 1'377.—	
Barryfox, T. Monn.....	frs. 300.—	
Stan da sittar Tir Cantunal.....	frs. 2'273.75	
Contribuziun SAC Bern.....	frs. 500.—	
Spenda.....	frs. 100.—	
Tscheins carnet da spargn.....	frs. 88.50	
Autophon AG, reparatura.....		frs. 336.45
Ovra electrica, battarias.....		frs. 129.10
Autophon AG, cumprau Barryfox.....		frs. 348.—
Radunonza generala.....		frs. 272.—
Spesas check postal.....		frs. 52.30
marcas, portos, material, radunonzas.....		frs. 282.70
Spesas auto cuors Cuera.....		frs. 40.—
Excursiun Bellinzona.....		frs. 212.—
	frs. 5'181.25	frs. 1'672.55
fatg anavon		frs. 3'508.70
	frs. 5'181.25	frs. 5'181.25
		=====

la cassiera: Judith Decurtins


Eleziuns dalla radunonza dils 18 da matg 1990:

president	Decurtins Silvio, Sedrun
cau dalla colonna	Schmid Ignazi, Dieni
actuar	Demund Alfons, Camischolas
cassiera	Hilfiker-Monn Rusina, Sedrun
cau dil material	Caduff Ignazi, Rueras
revisurs	Monn Martin, Sedrun, Schmid Marcus, Dieni

6. Tragica disgrazia da lavinas al Péz Nurschallas

Daniev 1979

Plein entusiassem e slontsch serendan 6 alpinists naven d'Ursera cun la viafier dalla Furca sil Pass Alpsu. Il guid da muntogna, Ernst Renner, d'Ursera, meina la gruppa da 6 dels. Tuts ein versai skiunz; ils 5 hosps ein Engles. Lur intenziun era d'ascender il Péz Nurschallas, quei sur las plauncas da Nurschallas grondas giu ella Val Maighels, ir sil Pass Alpsu ed esser da retuorn allas 16.00 ad Ursera. Essend ch'ils alpinists retuornan buca ad uras, avisa mumma Renner il cau dalla colonna d'agid Clapasson. Lez ha dubi ch'ei seigi capitau ina disgrazia. Aunc la sera da Daniev alarmescha el ses cumpogns e metta en pei ina colonna.



Mardis, ils 2 da schaner 1979

Cun la locomotiva da better neiv serenda la colonna d'agid d'Ursera allas 07.00 sil Pass Alpsu. Igl agid aviatic svizzer metta a disposiziun in helicopter. Malgrad l'aura tempestusa, cufla e bufs sgolan els el territori dil Péz Nurschallas. Il resultat dil sgol da recognosziun ei negativs. Negins fastitgs, neginas observaziuns dad ina lavina. Cufla e brentina impedeschan grondamein la vesida.

Allas 09.30 arriva in dils alpinists spari el Restaurant Rheinquelle a Tschamut. Ladinamein vegn la colonna d'agid dil Club alpin svizzer da Tujetsch alarmada. Il cau dalla colonna, Nazi Schmid, alarmescha sia gliעד, orientescha igl agid aviatic, la polizia e Pius Condrau, pren si contact cun la colonna d'agid d'Ursera ch'ei serendida sil Pass Alpsu ed ellas stallas dall'alp da Tgom, punct 1861. Essend che negin ei propi orientaus davart la ruta ed igl alpinist survivent ha difficultads da saver localisar el stemprau e cufla il territori, eisi pils responsabels fetg grev da prender las mesiras indicadas. Buca mo il stemprau, cufla e ferdaglia retardeschan l'acziun d'agid, mobein era il grond prighel da lavinas che smanatscha sin tuttas varts.



Igl um cul tgaun da lavinas

Entuorn l'ina eisi danovamein pusseivel da sgular da Tschamut el territori. Cun quella caschun observan ins el Plaun da Tgatloms signals d'in disgraziu. Ladinamein vegn igl emprem tgaun da lavinas - ensemen cun il cau dil platzed ulteriurs gidonters - sgulai el territori nua ch'els fastiseschan la lavina ed anflan in dils disgraziu ch'era rentaus cul maun seniester vid siu fest da skis cun la fatscha a bass ella lavina. El pudeva denton aunca adina dar signal cun in pei. Suenten sia delibraziun eis el vegnius transportaus cul helicopter allas 13.30 - suenter rodund 20 uras dapi igl accident da lavinas - cun grevas scheltiras el spital a Glion.

Survesend empau la situaziun, e grazia all'enconuschientscha vegn la tscherca dils ulteriurs 4 spari instradada intensivamein. L'immensa estensiun dalla lavina - ins patratgi mo alla differenza d'altezia dil scarp da lavina entochen al plaun da Tgatloms da bunamein 700 m, all'estensiun dil scarp da lavina da bunamein 1 Km e miez ed ina lunghezia en dus bratschs principals ed in pign da medemamein 1,5 km - lai percorscher la problematica dalla tscherca ella ferdaglia e stemprau.



Ei era a nus enconuschent ch'ils alpinists purtavan cun els in Barryvox, in apparat da radio che emetta e retscheiva signals e lubescha da localisar sin ina distanza da 70 m il tschercau che porta quei apparat sin sesez. Il problem principal sepresentava denton el cuort termin che steva aunc a disposiziun entochen enten serrar notg. Cufra e ferdaglia denter 25-28° sut nul, paraliseschan en da quels muments era empau l'activitad di's umens en acziun. Tut quellas ponderaziuns ston vegnir fatgas. Grazia agl agid aviatic eis ei stau pusseivel da transportar neutier immediat ils 7 tgauns da lavinas ed ils umens dalla colonna d'agid da Tujetsch, Ursera e Mustér.

La tscherca ha stuiu succeder en plirs loghens el medem mument cun tgauns da lavinas, cul Barryvox e cun las stangas da sondar. Sondar era aschilunsch necessari, demai ch'ins era buca segirs, schebein tuts dils spari purtavann aunc ils Barryvox sin sesezs.

A pei era l'emprema gruppa serendida dii canal da Nurschallas grondas siadora e fastisau il secund spariu sin ina altezia da rodund 2400 m ed en ina profunditad da rodund 1.50 m, deplorablamein mo sco bara. Denter las 15.00 e las 16.00 ein lu era ils ulteriurs spari vegni anflai el canal en ina distanza da rodund 150 m in ord l'auter. Allas 17.00 ha il helicopter transportau las davosas duas baras a val. Las baras ein vegnidas transportadas en casa da scola a Sedrun, nua ch'ils commembers dalla Uniun samaritana da Tujetsch han rugalau e vestgiu ils disgraziai per il davos viadi.

Leds e cuntents essan nus stai, ch'ils 36 umens, stai en acziun, ein tuts returnai saunamein allas 17.45 a Tschamut.

Engraziament

En num dils parents, dall'organisaziun dil survetsch d'agid alpin Surselva dalla Secziun Péz Terri, digl Agid aviatic svizzer e dil Club Alpin Svizzer engraziel jeu als responsabels organisaturs, allas colonnas d'agid Tujetsch, Ursera e Mustér, a tuts ils umens ch'han gidau a tscherca e transportar a val ils disgraziai. Igl ei stau ina greva e gronda acziun, che ha pretendiu dad in e scadin in enorm engaschi persunal, cumpigliaus cun ina gronda resca, essend ch'il prighel da lavinas e da donns da scheltiras ein stai gronds muort la gronda ferdaglia. Lein esse engrazievvels a tons umens che mettan a disposiziun lur forzas e lur enconuschientschas per purtar agid al concarstgaun disgraziu.

Pius Condrau,
cau dil survetsch d'agid alpin Surselva

7. Glück im Unglück hatte Martin

Es war anfangs Februar 1972 in unseren Skiferien und richtiges Tavetscher Wetter (stahlblauer Himmel). Schnee lag ausnahmsweise recht wenig. Die Windhänge waren sogar kahl geblasen. Durch die kalte Nacht war die Südhangschicht der Crispalthänge so um ca. 10.30 Uhr sicher, schöner Sulzschnee. Trotz Vorsicht löste sich im oberen Teil (Puoza Kord. 696 850/169 500) ein Schneebrett. Martin sah es als erster und warnte mich, blieb aber wie angewurzelt stehen. Als ich mich umsah, war er verschwunden. Kaum zu glauben bei so wenig Schnee. Ich eilte zur Endstation des Skilifts Cuolm Val und holte eine Schaufel und alarmierte die Rettungskolonnen. Es dauerte nicht lange, da traf mein Freund und Rettungs-Chef, Ignaz Schmid, vom Restaurant Milez am Unfallort ein. Bei dessen Eintreffen hatte ich Martin schon ausgegraben, Tiefe 150 cm. Er war blau im Gesicht und hatte einen Schock, doch Gott sei Dank war er nicht verletzt.

gez. Ruedi Imthurn, Thayngen, 24. 1. 1992

Ruedi Imthurn ei vegnius gia da buob (temps d'uiara) en Tujetsch e pli tard sco battasendas ed ei restaus in fideivel hosp entochen sil di dad oz.

8. Cass concrets d'acziun per indigens

Illes cass concrets ein cumbinai cun cuosts, che seresultan d'acziuns. Ei vegn tschentau quen tenor il sistem digl SAC per il temps impundiu ed aschia als pertuccai. Per exempel (24-9-77):

Cavegn Gerold	frs. 112.–
Schmid Franz	frs. 100.–
Decurtins Hans	frs. 100.–
Schmid Ignazi	frs. 100.–
Curschellas Luis	frs. 50.–
Curschellas G. Martin	frs. 50.–
Auto e telefons	frs. 50.–
Spesas en l'ustria	frs. 94.–
Spesas dil cassier	frs. 68.–
total	frs. 724.–

Gronds cuosts sedattan mintgamai, sch'ins drova en cass da disgrazias il helicopter, sco per exempel: (31-7-88) frs. 2'675.–

Pér cu ei tucca dils nos san ins apprezziar e schazegiar missiun e lavur d'ina colonna d'agid (Schmid Ignazi, 27-6-1978).

Cavegn Antieni, 7-4-1940 - 2-3-1972


Luis Monn von der Talstation Skilift Dieni-Milez meldet den Unfall am 2. 3. 1972 um 13.50 h an den Rettungsobmann Ignazi Schmid in Milez. Es sei noch ein Mann in der Lawine (Antieni Cavegn) habe ihm Frau Hubatka berichtet, die ebenfalls in die Lawine gekommen ist, sich aber selber befreien konnte und somit sofort Hilfe holte. Die Rettungskolonnen rückte sofort mit drei Mann ab Milez in Richtung Cuolm Val aus, und der Rettungsobmann Bartolome Berther konnte nach kurzer Zeit etwa um 14.15 den Verunfallten aus der Lawine befreien. Er und seine Helfer stellten fest, dass Antieni Cavegn keine Lebenszeichen von sich gab und haben sofort Wiederbelebungsversuche unternommen. Der später an der Unfallstelle eintreffende Arzt konnte nur noch den Tod von Antieni Cavegn feststellen. Nach Eintreffen der Polizei konnte der Tote nach Hause transportiert werden. Der Unfall erfolgte anlässlich einer Unterrichtsstunde, die der verunfallte Skilehrer einer (Ski) Schülerin erteilte. Etwas abseits der Piste an einem Nordhang waren sie stehen geblieben. Es löste sich plötzlich eine Schneebrettlawine und begrub die beiden.



Ei era Tiu defar loial
che delectava ella val
ton gl'jester, sco il vischin,
il Tieni eras per mintgin
entochen che il nausch cuflau
anetgamein Tei ha satrau.
Per nus strusch da capir eis ei
ch'ins buca pli entaupa Tei
denton da Tei seregurdein
e salidein da cor: Stai bein!

Giossi Alexi, 15-10-1953 - 28-9-1977


El ei carschius si cun 5 fargliuns. Sco feigl grond ha ei tucchau ad el baul d'entscheiver a segidar cun ils geniturs Maria e Gion Battesta, quei cunzun cura ch'il bab ei vegnius malsauns. Il davos onn da scola ha el giu da perver il muvel dil bab (4 vaccas, 2 mugias, 2 stiarlas e 2 vadialas), e quei sera e damaun e duront il di ira scola. El haveva tschaffen dil pueresser, mo quei onn ha duvrau memia bia energia ed aschia ha el buca fatg il pur. El ha fatg igl emprendissadi d'electricist a Cuera. Duront il temps liber er'el bugen a casa e segidava cun ils geniturs. Ils cuolms eran per el in magnet ed igl unviern fageva el bugen turas e la stad mava el per cristallas. Biaras uras ha el unfriu egl iert da reiver en Val Giuf. Suent'egl emprendissadi ha el luvrau tier ina firma che tschentava antennis ed igl unviern dev'el scola da skis. Duront quei temps ha el fatg il mussader da skis. In engaschament special haveva el per la colonna d'agid. El sespruava d'esser spert sil plaz, pertgei ch'el saveva ch'en da quels muments ei il temps decisivs. Ina sonda da settember, in di da bellezi'aura giavinan ils cuolms puspei el. Suent' in "tschau mumma" bandun'el la casa per serender en Val Val. Tgei ch'el ha tut fatg quei di sa negin, pertgei ch'el era persuls. Sulettamein il Luis ed il Giachen Martin Curschellas han aunc dau ina paterlada cun el e mussau lur fuorn da cristallas. Suent' quella paterlada vul Alexi serender a casa. Mond els dus sezs a casa cattan els adagur il disgraziu. Immediat cuora il Luis a l'Alpsu per alarmar la colonna d'agid. Cun grond engaschament da quella, e cunzun dil cau Ignazi Schmid, vegn Alexi transportaus cun il helicopter sil pass e suenter vinavon a Cuera. Sia blessura el tgau era gronda. Suent' 4 dis rend'el sia veta puspei anavos al Scaffider.



Valier Stiafen, 25-12-1953 - 23-8-1978

Die Unfallstelle befindet sich unterhalb der Furcla (nördlich) da Crispalt. Um 17.10 meldete Bergführer Wenzin Theodosi folgendes Bergunglück: Sein Kamerad Valier Stiafen sei um ca. 16.05 Uhr ausgerutscht und ca. 50 m in die Tiefe gestürzt. Durch den Aufprall sei er sofort tot gewesen.


Sofort wurde die Rettungskolonnie sowie Helikopter alarmiert. Um ca. 18.20 Uhr landete der Helikopter in Sedrun. Mit dem Melde-läufer und Polizei wurde sofort auf die Unfallstelle geflogen. Eine halbe Stunde später landete der Helikopter in Milez. Der Bezirksarzt war anwesend. Nach der Behandlung wurde die Leiche zu seinen Angehörigen nach Camischolas transportiert. Der Fusstrupp wurde am Ende der Aktion per Helikopter zurückgebracht. Ende der Aktion um ca. 21.15 h.



Il Stiafen ei naschiùs ils 25 da december 1953 sco 9avel e benjamin dil Giachen Martin Valier e Luzia nata Cavegn. El ha frequentau las scolas primaras e secundaras a Sedrun. Suentar ch'el ei staus ord da scola ha el fatg igl emprendissadi da dessignader da construcziun bassa a Cuera. Havend ventschiu igl emprendissadi e la scola da recrut sedecida el da far il tecnicum dalla sera. Egl interval da 4 onns e miez frequenta el la scola dalla sera, fa ils pensums el temps liber, seprepara per ils examens semestrils e per il diplom. Malgrad che quei duvrava bia perseveronza ed energia, ha il Stiafen mai priu il mund si dies. Las sondas e dumengias fageva el il bia sport, seigi quei cun ir per la pezza ni cun ir cun skis. Denteren astgav'er' in jass buca muncar. El haveva anflau in equiliber exemplaric denter lavur e recreaziun. Deplorablamein ha ei denton duiv esser auter. La mesjamnasa, ils 23 d'uost 1978, sederasa la tresta nova che Stiafen seigi sedisgrazias mortalmein, mond suenter crappa enasisum la Val Giuf.

Cavegn Serafin, 21-7-1962 - 1-3-1978

Il Segner ha dau ed il Segner ha priu,
Tut quei che lez fa ei per nus benediù.
Plein tschaffen eis ius si Scharinas cun skis,
Il Segner ha leu tei clamau sin parvis.
Aschia cartein nus, sperein ed urein:
En Cristus levein nus, en Diu sevesein.
La fatscha rienta, tiu spért bein vulent,
tiu cor obedeivel, fideivel, cartent:
Tei, car Serafin, lein nus mai emblidar!
Ti restas adina nies fegl e nies frar.



Monn Florentin, 12-9-1953 - 29-6-1983

El ei naschius sco fegl d'Ignazi e Margrita Monn-Tuor. El ha passentau sia affonza a Sedrun cun aunc 5 fargliuns, 4 soras ed in frar. Cheu ha el frequentau la scola primara e la secundara. Suenter ha el entschiet igl emprendissadi a Mustér tier Landys e Gyr. Mo leu ha ei buca plaschiu ad el. Silsuenter eis el ius giu Cuera ed ha luvrau biabein in onn tier la fabrica Pedolin. Lu ha el survegniu piazza tier la Calanda Bräu. Leu ha el fatg la scola d'ir cun auto da vitgira. Da quei temps ha el fatg la scola da recrut ad Isonne sco grenadier dils paracurdada. Suenter eis el turnaus a Cuera tier la Calanda Bräu, nua ch'el ei staus biabein 10 onns entochen la mort. Duront las vacanzas vegneva el il bia a cas'a Sedrun. Ils cuolms ed igl ir per cristallas era per el il pli bi. Deplorablamein eis el sedisgraziaus mortalmein d'ir per cristallas en Val Strem/Gionda cotschna.



Albin Ignazi 1-5-1933 - 29-6-1987


Der Unfall wurde durch Herrn Curschellas Damian und Herrn Monn Gabriel, beide von Sedrun, gemeldet. Herr Albin Ignazi hatte ein Herzversagen auf dem Heimweg (beim Strahlen) auf Koordination 703.050/165.600 in der Cavadischlucht. Sofort wurde die Rega alarmiert und die Kantonspolizei in Disentis. Heli von Erstfeld mit Arzt. Erste Landung in Sutcrestas westlich Selva. Erster Flug zur Unfallstelle mit Polizei und Arzt. 18.20 Uhr Bergung und Flug mit dem Toten nach Tschamut.



Voll Güte hast Du uns umgeben,
Liebe und Arbeit war Dein Leben.
Wir riefen gerne Dich zurück,
Doch blüht Dir nun ein höheres Glück.

Pally Monica, 24-6-1966 - 31-7-1988

Monica ei naschida a Rueras. Ella ha astgau passentar sia affonza en in ambient emperneivel. Suentar haver frequentau las scolas dil vitg a Rueras e Sedrun ei siu giavisch da daventar scolasta ius en vigur. Sia clamada havev'ella elegiu gl'emprem di da scola: jeu vegn scolasta sco'l bab, ha ella detgl'emprema sera suenter scola. Dottada cun buns talents ha ella frequentau durant 5 onns il seminari scolastic a Cuera. 1987 banduna Monica il seminari ed anfla siu emprem camp da lavur a Sedrun. Cun anim ed entusiassem ha ella instruiu ils scolarets dalla emprema classa.



La natira ed ils cuolms fascinavan ella. Gia durant il studi a Cuera havev'ella rimnau ina collecziun da baus en Tujetsch e studegiu quels. Ellas vacanzas fa ella in cuors da reiver ed ir pils cuolms entuorn. Cun tschaffen fagev'ella turas admirond las bellezias dalla scaffiziun. Mo il carstgaun propona e Dieu dispona. Vegnend anavos dil Cuolm Culmatsch sedisgraziescha nosa cara Monica mortalmein ils 31 da fenadur 1988. Cun 22 onns, bia memia baul. Mo Dieu sa pertgei. Nus lein tener ella en buna memoria. Ruaussa en paisch. Cordial engraziament alla colonna d'agid per las breigias da spindrament.

9. Gliesta da commembers 1992

Schmid Ignazi,	parsura dalla colonna
Decurtins Silvio,	president
Caduff Ignazi,	cau dil material
Demund Alfons,	actuar
Decurtins Judith,	cassiera
Bearth Gion	
Bearth Reto	
Berther Aldo	
Berther Alfred	
Berther Carli	
Berther Marcel	
Cavegn Aluis	
Cavegn Marcus	
Curschellas Luis	
Curschellas Werner	
Decurtins Hans	
Elenberger Lea	
Flury Eugen	
Hendry Sepp	
Hilfiker Roland	
Honegger Bruno	
Loretz Franz	
Lutz Vitus	
Monn Andreas	
Monn Gariel	
Monn Sep Aluis	
Müller Andy	
Schmid Marcus	



Decurtins Silvio, president

